

百名家詩選

小引

魏子曰南菴余閩莆人以儒入禪其爲禪也深矣余侍夢筆浪杖人香茗之暇每爲余哆洞下老宿如竺菴石潮爲霖觀濤皆嘖嘖許其入室于南公尤篤愛之故余知之最久一晤檀度便締好如數十年交惠余閱吹堂全集奉爲龜鑑喜其格調匪常詞章持達間以其悟後定靜散見于山水友朋以自寄其神農虞夏之慨不獨以意發題先神含題外者自見其聰明已也近

兒敬修自淮上來携南公新篇并其高足千指  
客塵天根童求首嚴諸詩漸次光余是選首于  
南公拔其尤焉

百名家詩選

福清魏 憲惟度輯選

福寧陳 淑秋庵 山陽陸求可密庵

叅

邗江宗元鼎定九 白下張 惣南村

釋大依

字南菴古閩人

宿弘濟

燕子磯邊寺因巖結一堂依潮安短夢分石下  
胡床松影搖衾綠月痕過樹涼濤聲千載上何  
以竟茫茫

種柳詩寄童求

經營方丈地插柳護疎籬弱質當春月低窓在  
雨時枝防送客盡庭待種花遲鏟却階前蕙斯  
情君獨知

黃大宗招集止園雨中看梅全張虞山杜  
湘草

名園戴雨踏蒼苔爲有汪洋叔度才烟色不隨  
春水去風光偏向小山開王孫使我思芳草玉  
笛催人怨落梅幾片娟娟軒外影參差照客上

高臺

送杜湘草北遊

裝束新詩迥遠程  
君家水部本高名  
江干却畏停車問  
燕市聊爲策杖行  
襪被薰風迎客路  
霜砧明月賦秋聲  
臨岐且宿河邊寺  
明日雲山萬里情

寄懷焦山古樵汰侄

閒情正對別峯頭  
一病朝分瓜渚舟  
亂葦片帆雲渺渺  
空江冷雨客悠悠  
竹風自嘯魚龍夜  
山

月難尋烟水秋最喜吾宗多意氣法幢長湧海  
雲樓

寄懷顧茂倫

元嘆吳中本盛名丹鉛一室閉柴荆著書直待  
青松老爲客常愁芳草生野水雪灘高釣艇春  
風藜杖出江城相逢猶憶華嚴寺細雨曾聽屐  
齒聲

寄懷張南邨

建業詞人幽事賒向來郭外愛君家竹床布被

留松閣石路柴門對雨花白髮誰憐貧采藥青  
門自許老栽瓜蕭然欲向長干問未必春風在  
絳紗

許白嶼招集齋頭

蘆籬秋色足幽尋玄度相邀委巷深滿目黃河  
歸雁影一庭芳草故人心低窓書帙生雲氣落  
日茶香對竹陰只是入山情最好還移蓮社到  
東林

蔣虎臣太史見過



卷之八十七  
世外蔣居士原從翰苑來衣冠全道義論說少  
塵埃石上因緣舊河邊樓閣開臨岐情不盡春  
色滿蒿萊

全陸逃夫送王任公北歸次任公韻

六月疲驢沙路難  
抵回荒殿遶頽闌  
驚人晚續澄江句  
鳴磬朝辭野寺餐  
斜日欲沉風乍起  
行囊自束柳將殘  
何時全踐東湖約  
千樹堤邊香

色寬

逃夫有百年產  
業梨千樹之句

淮徐弔古

離泗曾鑿楚漢軍呂梁東下氣如雲山從下相  
高低斷水入黃河清濁分蔓草釣臺存冷月夕  
陽荷鋪瘞沉醺常思漂母當年飯欲薦荒祠自  
采芹

河決有感送干指南行

秋入河流濁浪黃侵田倒屋送淒涼老懷不問  
歸何地荒草于今漸有霜江艇汝行榆柳外石  
城鳧亂水雲鄉淮南桂樹還招隱將學劉安雞  
犬行

祝盧衷愍明府八袞

蒼然石骨立河邊。名士風流八十年。無事看花隨竹杖。有時搔首問青天。盈庭寶樹堪相慰。進履陰符莫漫傳。肯向虎溪分一笑。南宗本是盧家禪。

金陵諸人士以長干寺見邀詩以謝之

細數遷移歲月頻。行囊却笑老隨身。棲霞松下眠三載。浮玉江心話幾人。即使未能飛白日。想應終不入紅塵。長干何事徵書至。已卸閒名是

隱淪

寄周櫟園方伯

方伯芳聲播百蠻近傳南國一官閒  
新詩滿案蒲鞭後退食長宵桃葉間  
叔子自然留片石蒼生未許老東山  
他時一衲歌姬院乞遍秦淮第幾灣

沐陽與童求夜話時童求將有夢筆之行  
宵中恠石起寒更逢汝閩山又遠行  
天下幾人憐我老河邊一夜欲心傾  
霜風衣冷松陰淨土

屋燈殘月色盈。却悔無端投保社。全家冰雪送閒名。

王家營

出門便是遠遊程。瓢笠投人費所營。土銼蔬盤新弟子。繩床草薦舊河聲。幾行有樹舟難定。五里無家鉞亦輕。回首半生膚髮盡。何曾放下世閒名。

老官亭

老官亭下暫淹留。極樂庵中坐小樓。獨對孤燈

看穩夢還疑連夜泛虛舟霜風柳岸魚鹽市  
月人家蘆荻洲自笑白頭甘巷陌沿門敢爲一  
身謀

枯樹舖

江天遙見一舟無潦倒平原樹半枯麥粥尚能  
尋破院朝饑未許哭窮途斜陽鴉返河聲急積  
雪人行邨鎮孤莫怪冷風愁杖屨荒雲遠近閉  
孤蘆

鍾山

頭白江南不忍歸琵琶街上夢依依寺存前代  
僧應少山到斜陽樹已非江水幾年沉鐵鎖孝  
陵千里拜緇衣茫茫白日高天下獨見荒原數  
鳥飛

杜子濂大參過山中值予他出寄之

節麾高擁出幽尋歸覓風流在遠岑一郡新詩  
傳水部羣山紅葉見秋心花間退食官偏靜廳  
事焚香月每深莫怪山僧忘應接蒼茫泉石總  
知音

寄陳綠猗察

六朝官舍大江東  
呵殿聲從綠樹通  
開署聞多乘曉月  
入山時一問宗風  
藍溪家在荔枝下  
白塵人來桃葉中  
肯念河干遺一叟  
爲尋芳草到壺公

吳江訪顧茂倫

只愁風雨盡飛花  
來訪吳江處士家  
千里布帆尋寂寞  
廿年姓字識英華  
方停雙槳垂春柳  
欲叩衡門亂曉鴉  
知己相逢今世外  
應看髡髮忽



驚嗟

焦山休夏

成祖家聲賴未遙  
剎竿浮玉見同條  
誰知枯木重開葉  
何事名山只姓焦  
兩岸帆檣花下路  
六時風雨海門潮  
關心尊宿留休夏  
一代書成破寂寥

啼鶯好上早涼山  
正合波光樹色間  
佛印詩留青玉塢  
雲聲庵在碧桃灣  
隔江城市懷人近  
空谷鄰僧愛我閒  
顛倒眠餐隨作客  
清齋禪版不

知還

且向江心倚翠屏。炎天客路苦揚舲。師生道合  
山皆好。吳楚僧來戶不扃。隱士生應羞衮冕。飛  
禽死亦重詩銘。茫茫涼雨烟波裏。閒續酈元未  
註經。

無事閒過九里村。三山遙見一江尊。勢從鐵甕  
分瓜渚。力爲金陵控海門。貔虎樓船橫上郡。蕭  
梁宮殿冷中原。道人重借蓮花榻。三十年來感  
慨存。

湘草過我焦山全回瓜渚予以病先歸淮

上作此寄之

明月江心一棹過幾宵披露上巖阿舟從瓜渚  
愁中遠詩是離人病後多紅葉無家全白下塞  
驢有夢怨黃河繭菴樹石空相念只許新題再  
拜歌

寄懷李申玉廣文

河上薰風開絳紗江東甲第舊名家五千有句  
傳歸尹半壁無天待女媧夢去柳絲三月雨愁

來苜蓿滿園花何時得在諸生後更向玄亭問  
晚霞

艸布

江北愁無葛田家種艸爲黃兼嫩柳澹稀耐暖  
風吹艾服從淮俗蘭芳媿楚詞涼秋將代序嘆  
息授衣時

十一月望夜

冬晴隨好月皎皎步長廊如水一庭樹侵人萬  
里霜鼓吹聲亦靜燈火色初荒又欲聞鷄罷携

卷之八十七  
九  
筇過野塘

十一月廿七夜

仲冬廿七近臘月雪風半夜吹窻缺一燈搖蕩  
光屢旋老僧凍手支蘆蓆俄頃風平雪亦平燈  
光一半雪光碧擁被挑燈氣漸寒鄰鷄隱隱鳴  
阡陌我想長宵夢裏人朝來各怪一天雪

冬夜喜陸密庵學憲過宿寺中

至性落人間官人兼好道閩海布神明風雨在  
懷抱贈我詩琳琅見公章句表虛衷及我法直

欲通孔老爲有摩尼珠面面照人好又愛稚穉  
林經冬未枯槁落日晷與荒蹊不及掃促膝  
我南軒漏深猶探討鄙人生道心對公苦不早  
嚼齒已露齲握拳竟透爪是夜霜不寒星漠白  
如曉捉手步廣庭靜嘆驚栖鳥公但罷經書此  
事自了了不必登泰山由來天下小

臘月八夜雪

臘月八日夜不寒朔風吹雪滿河干諸子圍坐  
至更闌燈色漸黃茶盞乾起行玉影照珊珊我

想當時攝嶺看曳杖山頭月未殘中有數樹生  
波瀾萬里無聲光漫漫不料淮西又倚欄

陸逃夫僕來索硯詩寄逃夫

山僧几上一石硯多載塵蒙光不見陸郎賞識  
詫神奇少爲拭拂飛紫電潑墨鱗鱗波浪生照  
入肝膈玉一片欲置東湖著書窻肯入起草明  
光殿陸郎有僕來索之云饋當今之時彥細思  
此語却非君抑亦傳言之不善此硯已合君精  
神留與君前作故人

五日聞雷

五日聞雷早元正幸所遭不教春久蟄且得雨  
如膏畦甲青初起窻蕉影未高月湄輿馬在促  
膝話松濤

花朝

愛花竟欲祝花生布襪輕風到處行春色一年  
今日好天香百種幾人情東籬五柳還栽菊南  
國雙柑自聽鶯寄語有心賢謝監白蓮更鑿一  
池平



關山月

風獵獵霜泠泠笳聲起征人聽征人三十萬一  
一照伶仃我何離枝葉草色連根青空天明月  
早盡照征人老亦復照枝葉不照連根草艸色  
白如星隨風照遠庭夜夜到鄉井不見關山垌

示牧愚上座

有引

余以衰老多愛憐後學見微慧者撫之策之  
激之濯之不啻飢渴者之於食飲寒暑者之  
於衣巾也旁有忌者議之方之怪之毀之余

初不顧也閱數歲或盡棄其生平竟背謬念  
所期向之議且毀者復快且謔矣而余復不  
顧也又數歲且比比然矣若使余終於謬而  
彼果於毀矣余卽有堅忍不拔之志而不能  
不漸爲之稍稍易矣私自切責日呼已名曰  
某何爲也且能毀者卽取以鑑日閉門謝一  
切忽牧愚自金峯來金峯不負余者也牧愚  
應亦不負金峯向之自責者又因而稍自慰  
矣又不自禁其撫之策之激之濯之之矣攘

臂下車馮婦奚疑哉旁之議者又駸駸乎起  
矣余之不顧又駸駸乎固矣因而自笑生平  
鐵石心腸輕於棄妻子而重於棄後學卽今  
之後學必不負余而余亦未免於自負矣因  
爲詩以問牧愚而并序簡端云

楚風日以衰大道俗所棄釋迦旣不尊孔子又  
失位歲暮見一人循循高道義知我有血心晨  
夕對無睡執手追明月廣庭遠寒吹朔風萬里  
來貧子盡憔悴舉世七尺軀何爲負天地冰雪

向君言努力酬叔季

春梅

二月春香滿南園露幾稍枯枝開冷艷綠萼試  
新苞隔水看初月無人到遠郊誰憐處林士夜  
夜踏霜切

梅花落

當春花獨開花心亦如錦當春花獨落花心實  
如冰冰固寒所守錦爲時所矜天未開地未闢  
花得其新桃欲紅李欲白花返其真青山白石

獨臨水濱開不近人落不近人可憐如月照孤  
僧自從一入關山笛飄蕩香竟不可憑

小引

魏子曰余嘗乘柴車登支研山坐支遁放鶴處  
黃雲白榆雜衣袂間一樵者導入中峯山樓歌  
側五六間案上殘楮敗毫零亂無次余驚異之  
曰此必有高僧細詢之知爲蒼雪舊寺索其遺  
詩以歸大約長于詠物古近體俱有異采不沾  
沾如近代禪和取支離公案與詩人爭一日名  
也石倉曹先生喜談禪博山雪關永覺覺浪皆  
其所倡和者予先以此問世次搜諸公逸篇石

倉有知當向靈山會上尋諸知識與話滄桑  
翻一鶴未必不千歲歸來也噫

百名家詩選

福清魏憲惟度輯選

華亭張若義帶三 福寧陳復秋菴

閩縣林之蕃涵齋 江寧張惲南邨 叅

釋讀徹 字蒼雪雲南人

空香

春來無不可。一杖隨所之。花發千峯外。鶯啼二月時。沾衣空翠冷。拂面綠香吹。日暮忘歸去。逢人或笑癡。



新綠

春雨不時歇。苔痕徧處封。始從兩三點。染出千  
顰峯。一絲無遠近。隔溪成澹濃。何人解搖落。獨  
立撫孤松。

隔林火

野燒出林際。林霽葉盡枯。遠風撲不滅。淡雪點  
來孤。燐影吹明滅。書聲伴有無。更疑漁宿處。寒  
照白頭顱。

樹杪泉

聽從一葉起。響落五溪秋。夜雨何來急。江聲泛  
柳頭。幻堂思覆水。大壑可藏舟。莫向人間去。清  
泉混濁流。

挂布簾有懷故山

何物挂門前。搖搖不夜眠。領風兼領月。非雨亦  
非烟。遠夢應難隔。歸心只共懸。幾時茅屋底。高  
掩看雲天。

當門柳

家住柳溪口。溪流灣更灣。喜無多種地。自不礙

青山。凌馬猶堪繫。傷秋未忍攀。幾經花落盡。一夜雪封關。

鄰鶴過

短柵囚難住。竹門偶自開。一鳴驚夢破。大步踏花來。直送天風去。翻憐毛羽顛。盈盈池水上。孤影照低回。

涵暉閣

小閣戀餘霽。幽人生遠心。虛臨一面水。寒起半湖陰。野曠延無際。秋光澹不禁。有懷安可極。

冷入孤吟

新秋

敝衲初添補。繩牀小睡成。不知微雨過。但覺晚涼生。風日澹無色。湖山碧近情。蕭蕭桐葉上。歷歷是秋聲。

度黔中鐵鎖橋

去國萬餘里。西行不計年。海風人面改。沙路馬蹄穿。虹影雷門過。江聲鐵鎖懸。危橋難並進。幾度望招烟。

南遊普陀

何年鬼斧鑿峭壁倚天開。浪欲推山去。潮能挾  
海來。半空飛雨霧。一洞走風雷。大士端然坐盤  
陀最上臺。

再至崇川

地盡應臨海。天寒欲授衣。月隨秋水。上人共夜  
潮歸。一犬無聊吠。羣鷗自息機。橋頭燈火裏。猶  
記舊僧扉。

朱雲子明詩平論選成濫及拙作

著作觀前代無如勝我明大音歸正始元氣自  
和平手筆操斤斧人文托舛生怪來刪定後三  
百有僧名

同陳百史方密之分韻懷滇中唐大來

獻策南歸去。名山到處登。送君天下士。老我故  
鄉僧。幸得一人識。不孤萬里朋。西風揮淚別。秋色  
滿金陵。

渡江訪師利居士阻風

偶爾犯蛟宮。淮南訪桂叢。潮來天勢側。浪打櫓

根空沙鳥爭翻雨江豚逞拜風何當山月好此際臥窗中。

戲和久知月夜踏花影

步來浮動薄於烟宛轉春心不肯眠眼底分明難却掃脚根有物若爲牽花猶未舛覓猶在爾自無心人自憐何事癡狂偏我劇頻看栩栩蝶飛還

春草

悵望平蕪遠接天活於柳水碧於烟生時多借

東君力到處。偏爲遊子憐。近郭不勝車輦過。沿江初送馬蹄便。牧童未解傷春恨。驅向牛羊古墓邊。

### 古塚

一望纍纍秋草坡。北邙山下試經過。荒碑墮地無文字。空壤當門種黍禾。螻蟻移家窠臼在。狐狸住老子孫多。楊花落地何人掃。蕭瑟風來化白蛾。

### 掃花



風歸可復奈紛紜。敝帶閒持向水濱。忍手亂翻  
淡徑雨。傷春碎攪一溪雲。蟻埋紅濕行猶惜。泥  
裹殘香掃不分。燕子無言又飛去。蒼苔冷落白  
成文。

柳浪

濯濯無聲走浪遲。纔舒青眼便波隨。一勻水色  
相牽動。五兩風輕不斷吹。長恨空勞拋碧纓。狂  
瀾無力美柔絲。行人欲渡隋隄上。脈脈春潮帶  
雨時。

孤松

秦官五樹剩單丁。秀入天台上畫屏。遠信似傳  
歸異域。一枝斜掩到中庭。枯將化石封苔蘚。老  
不空心抱茯苓。欲把折來聊當塵。捲簾突出半  
峯青。

金陵懷古

石頭城下水淙淙。水繞江關合抱龍。六代蕭條  
黃葉寺。五更風雨白門鐘。鳳凰已去臺邊樹。燕  
子仍飛磯上峯。坏土當年誰敢盜。一朝伐盡孝

陵松

焚筆

問奇命駕漫停車那復臨池辨魯魚  
土塚不封毛盡禿鐵門斷限字元無  
興來風雨千張掃望  
去蒼茫一管枯從此案頭焚却後  
不須更作絕  
交書

移梅

豈是尋常獨愛奇品題古澹更無  
枝花前記取  
春先覺夢裏移來  
蜨亦知消息隴頭  
今便得飄

零湖上久難期。黃昏弄笛人何處。不自關心只  
自吹。

薙草

芊芊春雨綠新抽。如殺微風滿地揉。送盡王孫  
歸去後。望來何處不堪愁。輕扶蝶夢搖宮扇。冷  
化螢光度御溝。古道淒淒鋤未得。夕陽佇立在  
溪頭。

小引

陸雪樵

與

曰或謂魏子之鍼綫日爲它人緝寸

帛而成衣自舍疋錦之不顧此非知魏子言也  
蓋實有不知魏子者魏子風儀俊潔豪邁軼倫  
有如天馬游龍足跡未至聲光先之文章徧海  
內注之於

昭代久矣又何俟執牛耳選補石倉詩尚欲希  
心自顧而爲毛遂之脫穎耶子知魏子正不屑  
屑而爲此也雖然魏子之詩不與選是徒有銅



美而亡至味寧免遺珠之誦乎予今肱篋而得  
其全稿與同儕諸君子存其百之一以足成其  
正始爲一代詩史互相映發於元音益托千秋  
之不朽云

百名家詩選

同學諸子公選定

福清魏憲惟度著

上陵

上陵足佳景下津多流沙有客從遠來乃在水  
之涯青蓮以爲舟一葉而優游紫霞以爲裘明  
月珠綴旒南溟之鸞青玉羽黃鵠隨飛舞倏來  
倏往日與月同逆旅花上白露光曉何楚楚馭  
神龍策天馬恣逍遙天之下瑞氣結靈芝實乃

秀銅池獻我天子萬壽以爲期

企喻歌

男兒莫惜身百戰氣逾增豪傑沙草中千古骨  
稜稜

黃淡思歌

朝起見花開暮歸見花墜花開似郎歡花墜似  
儂淚

郎隨北鴈去期隨南鴈回鴈復到南洲郎尚不  
見來



隴頭水歌

潺潺隴水西流不返。行行孤身。去家日遠。

淳于王歌

望郎短牆外。短牆比天長。思郎方寸心。寸心不可量。

捉搦歌

種種花好不結子。不如野菜味香美。娶婦貌好無張弛。不如醜女供甘旨。

東鄰女子嫁大賈。西鄰女嫁田間父。耕耨相守。

不出戶勝却買貨離鄉土

君子行

君子處百事。須當慎其微。防危迨全盛。先天天  
不違。飲酒終致醉。多言失是非。勞謙道所重。賢  
聖識其幾。大禹治四海。功德何巍巍。卽受堯舜  
禪。尤嚴寸陰希。

團扇郎

白團扇。對面挹清風。炎歊忽然變。持出素紈潔。  
是儂心一片。秋來早辭君。長歌自掩面。

子夜歌

大堤踏春陽春風吹綠鬢  
日夕聞催歸步步不能進

花含葉色好不見同所歡  
折來一兩朶對此日盤桓

綠池雙鴛鴦浮沉戲池水  
錦翼妒蓮花闌干儂獨倚

鳥性悅天光花意暢青春  
遠客牽人懷風景徒自新

楊柳垂青色暮絲一何長依依費搖曳每見繫  
人腸

采蓮童曲

蓮湖搖桂楫采采歌聲長芙蓉比童貌荷葉比  
衣裳

烏夜啼

門前垂柳陰不繫歸馬蹄夜深閉窓戶啞啞烏  
來棲

月明照樹光樓烏驚欲起清宵良會歡何處人

千里

襄陽樂

大堤臨漢水。笙歌泛小舟。女郎鬪綺羅。何人第一流。

襄陽蹋銅蹄歌

陌上折楊柳。相贈作馬鞭。三策不回首。瞻望淚潸然。

楊白花

江上春風暖。楊白花正開。一從飄蕩離枝葉。飛

入誰家去不來出門再望無顏色每憶楊花愁  
似纖憑對春風長寄語吹我楊花還舊處

鼓山絕頂次大王父觀察公韻

春深百卉明言懷空谷蕙結伴策筇登石鼓朝  
霞霽獨跨芳巔峯萬山皆雲裔響起海門潮棹  
擊空江桂鳥兔不敢驕閭闔豈云閉遠矚滄海  
田阡陌絕微翳島嶼自參差鶴鶴時播曳微茫  
一氣中海天無盡勢琉球望荒唐彈丸逐東逝  
指示隘九州皇輿負斯志問天天不言俯仰詎

瓠繫學步愧箕裘乘風鼓長袂

徐野君主丹麓書至白門兼讀其近詩

憶昔經武林珍重懷琪璧欲贈兩幽人惆悵心  
異跡忽枉古雙魚遠慰石城客秉燭細讀之新  
詩資三益南屏雲幾層西湖水千尺相照夢魂  
清紙窓餘虛白

寄新建陳士業

先生天下士托契在羲皇軫念民物情散見有  
文章不材掄風雅匡廬鬱相望尺素旣莫來欲

濟復無梁空此停雲心悠悠江水長

遊黃山書所歷 石鼓海門峰名

昧爽登黃山言自松谷始石路逼青旻諸峰爭  
拱侍巉巖欲強名造物絕思議倏忽見雲崩參  
差疑石墜日月驚雙懸松杉屢交臂攀藤挈一  
僧同曳獅林寺寺前石鼓峰峰作海門勢壁立  
幾萬丈居高眩俯視谷口坐聽松另闢一天地  
夕陽遞遠山坐把峰峰識

其二 始信軒轅丹臺蓮花光明頂俱峰名



一夜宿獅峰。夢繞諸林麓。破夢策筇登。始信巖  
光旭。巖倚樹作梯。攀樹峰峰逐。甫至光明頂。狂  
風起地軸。竦立望前海。後海忽相續。細欲窮其  
源。山爲海之瀆。蜃氣結千重。嵐光飛四隩。奇哉  
天地情。滄桑卽在日。欲起問軒轅。丹臺走麋鹿。  
再振蓮花峰。洞中石磴曲。側身與雲爭。首膝互  
相觸。上下友猿猴。扶攜借僮僕。回望澗之阿。急  
欲添一瀑。晚至文殊院。繞壁松楸綠。松窠石隙  
生。石抱松根育。峭勁儼高人。煙月千年蓄。與我

成王賓奇逢在空谷

其三 山有天都峰臥龍松慈光寺

山行百餘里冥搜全未竟雖歷伏火中峰高已  
秋令振衣上天都羣巒悉趨迎闕洞起臥龍肅  
然生愛敬忽轉別一天挿石皆幽勁虛磴接危  
梯崩崖倚幽竅我本探奇人到此憂虞併黽勉  
敵天工下山達松徑廓然佛界寬慈光演大乘  
假我水雲寮鐘鳴始出定安得日在茲山水共  
幽訂

妾薄命

憶昔君未貴。讀書妾織錦。君留堂上賓。妾烹厨  
下僮。一旦既榮華。新人貌如花。新人比珠玉。故  
人似泥沙。欲彈膝上琴。哀怨不成音。高歌以當  
泣。白頭空自吟。荼蓼豈云苦。江海豈云深。惆悵  
不可極。千載同妾心。

周樸園先生招飲贈以先總憲南臺公石  
室私抄感賦 用二韻

人生歷百年。知我並生我。所以古明哲。析薪憂

勿荷王父勤著書藝林名久播僻在天一隅孤  
行滯江左不才輸心血無由振淪墮喜沐先生  
教吹噓附風雅羸馬詣華堂春風酣盃斝齒及  
石室餘從闕秘白下檢出二酉中特遺後起者  
感激跪陂詞三代均陶冶寧獨庇後生居然覆  
大厦知己其在茲千秋感莫寫搔首倚天青有  
淚自盈把

寄題春草閣贈于鼎玉笥二汪子

古人偶一夢春草至今青佳哉君兄弟繼之共

橫經 一解

結閣俯黃嶽峰峰入閣櫺時或峰爲

海觀海峰泠泠大地奇文章爲君浣性靈 二解

我曾學爲冶贈子雙青萍我欲學爲御思君駕

兩輶一如月在抱一如雲且停悠悠風雨心塗

鴉上閣屏 三解

梅邨卽事呈大司成吳先生

向讀梅邨詩不識梅邨路今來事炎征直向邨

中任先生冑下交脫衣道情慄敦問鄉典型徐

陳半物故

謂鰲峰秋室諸公

勉余學古人文章遵尺度

肅聽儼父師凝神薄章句促膝頻折疑年分忘  
已素須臾愜遊情招舟與余渡曲曲園中池密  
密岸傍樹齒齒橋邊石疏疏臺外圃十里入江  
邨五里迷花絮○忘是城中家山川生指顧小泊  
梅花菴○聽草梅邊附○舟名聽草捲簾放諸峰夏雲與  
峰如酒漿列峰前揮塵任納吐○賓主旣忘形顛  
倒無回護○謬賞及小篇愧獲千秋遇更贈諸著  
述珠璣錯韶韻拜受如捧盈觀面光華聚誰云  
陌路岐枯旱沾時雨

支硎山

吳山多美秀，木雲互相結。突兀此中峯，遙睇半  
明滅。捨舟逐朝暎，豁然忘蹙躐。四望作湖光，村  
落以樹別。深中一烟藏，淺處萬花纈。佳哉夾道  
松，化城壯金埒。振衣放鶴亭，緬懷于往哲。千古  
景伊人，峯峯足爪蹏。

陸密菴學憲過訪山中得讀其近詩

僑居石城隈，蕭然惟古處。白雲通往還，青鳥絕  
來去。忽枉長者車，踟躕屏衆慮。澄觀歷代詩，平

論今人語大都崇格調次復研章句性靈耽寂  
寞才華軼法度細讀諸鴻篇元音容與布純穆  
體自充恬淡氣逾聚時得濂洛傳古人如可遇  
焚香淨几席鬼神爭回護性命有至文風雅多  
神悟試觀習染家青藍汚皓素何況執樂人瓦  
缶敵韶蕤掃盡歸太空千峯一月吐執手出柴  
扉送送秦淮路竚立屢徘徊慰我十年慕

謁殷太師廟次程念伊太守韻

芳廟立郊垞猶然是殷土寢門栢森森離奇顏



色古堂上覲忠容肅穆歆列祖嶽嶽唐宋碑鼎  
鼎東西廡春秋祀典型牲帛走風雨載觀三尺  
塋千秋震矇瞽巋然殷人題大書嚴瀆侮捫讀  
銅盤銘褒封周新王歷茲三千年高風昭聖武  
其誰丹雘之五馬簇江潁衛水日悠悠歌聲出  
深浦

淮上問古

布帆獨掛江頭月照人情緒冷入骨村醪開飲  
兩三杯頗覺熱腸從中發呼月前來細問之當

時年少抑奚癡英雄未遇防身害俛出袴下使  
衆疑一朝得王風雲會麟自昭昭鳳自翺翻覺  
年少空爾爲長與千秋指無賴何如老嫗念長  
饑竟漂數日世應稀識先蕭何恩先沛千金之  
報已云微至今淮水秋波綠浣此鬚眉尚共昂  
莫使前人勝後人劉項由來非定局

寶劍篇

赤山之精三尺鐵紅光初淬鵬鵠血星辰隱顯  
應天文龜文縵理陽精潔寶帶金鋪日月縣素

質寒鋒如耀雪剗蛟割犀不足論未曾叱咤么  
麼滅爲君四斷月氏頭爲君內斷佞人舌神物  
變幻君不知從容爲聽莊生說久存匣裏作龍  
吼光芒夜半干牛斗世上無復張司空何時得  
藉英雄手

### 哀城東

驅車獨向榕城東俯仰乾坤百感空新蒲細柳  
春風裏紫燕黃鸝落照中憶昔城東雄甲第衣  
冠文雅皆名裔詩書屋裏欲充樑車馬前途何

迢遞鶯花不繡三月天笙管時紛中秋霽編戶  
機絲織杼聲半入雲中半天際倏忽滄桑有變  
更極極糾糾階之厲壞垣破壁亦無存萬瓦鱗  
鱗何須計百族流離自昔無男爲奴僕女爲隸  
笳聲夜半響烏烏砧杼秋深聽細細八閩山水  
古稱奇五虎全龍競相制三山藏現隱列星旗  
鼓控江雙奠麗第一樓前跨馬過海天如湧金  
鷄閉而今極目總淒然感起城東傷全勢英雄  
何處不歸來桑梓功業徒泄泄魏生落拓事多

悲縱有長裾不肯曳手披杜甫哀江頭江水江  
花昏戍樓

施愚山歸自武夷快談諸勝出題詠詩見  
示賦此荅之

吾閩山水咸稱美武夷諸峰首屈指先生鼓棹  
破煙歸請與先生談所以溪口穹窿字大王半  
與幔亭相因倚曲曲澄泓湧一峰玉女娟娟立  
溪溪大藏小藏仰面看石上仙船如水裏俯諸  
臥龍百尺潭金鷄洞古深無底大隱高高儼列

屏障堪半畝平如坵從無道流敢問居特卜講  
堂朱夫子稍折懸巖削幾痕直稱接笋高無比  
木梯鐵絙欲連天巖脊層層僅容趾勞勞旣上  
復欲下仙掌雲窩錯如齒循途竟可達天游奇  
處忽平心生喜一覽臺臨九曲清三十六峰皆  
在几旋轉渡溪至桃源鼓子懸陵竝蓮起平曠  
桑麻聚一村回首層巒忘遠邇大抵茲山妙在  
溪怪石浴流皆兩峙須駕扁舟曲曲行左睇右  
盼無窮已若使登峰便選峰峰峰過眼殊難紀

先生山水有奇懷不憚冥搜三千里盡畱佳詠  
慰山靈余將研墨編山史

客桃花潭姚六康明府停舟相訪

昔人踏歌送客行今人停棹問客住潭影深深  
照客心歷亂桃花歸何處桃花開已過春天秋  
月今來水上懸花曾笑月盈還缺月亦尋花衰  
復妍不如澄潭水一片古往今來皆可見君子  
之交正如斯相期照心非照面

琴鴈歌贈蒲田林質菴

我生之初天下亂士挈詩書學奔竄得免荷戈  
與負鋤爭攻絕藝弄柔翰壺公山南我林生琴  
音畫譜天下冠揮絃不僅入風雲畫鴈如欲過  
江漢與我相逢在六峰抱琴行行到江岸彈來  
流水落鴈聲江水爲飛鴈羣斷因之伸紙作秋  
江江上蘆花生几案我愛蘆花不敢題琴心却  
被鴈聲喚龜山有操鴈無書舉頭日月懸天半  
林生林生且奈何聽我狂歌且復且

喜吳星若歸自平江爲宋旣庭尤展成吳



蘭次余澹心邨新篇至

白苧西郊秋水綠危樓獨坐秋思蹙遙喜一航

天際歸南溪吳子滿箱軸展卷琳瑯欲放光詩

文詞賦相追續如聆玉磬聲既庭有玉磬山房詩如推北

平轂展成有右北平集如挹峴山雲蘭次守湖州初歸如捧莆

陽玉澹心余閩人拂几篝燈恣丹黃四隅松風清謾

謾夜半起行月微明何處翩翩吟空谷

落花限韻

天地文章本無數三春花萼含姿吐少女潛勾

馮嬖臨爭妬娉婷洗媚嫵初遣辭枝尚有情欲  
下不下空中舞徐看點點綴青苔紅白繽紛雜  
幾組更饒傍水不沾泥願逐清流行蹢躅世間  
後物豈尋常東皇有力難爲主宛若明妃出漢  
宮差比西施離越土含愁含怨不受憐如泣如  
悲心獨苦蜉蝣不量與依依蝴蝶無知同栩栩  
我亦今古有心人枯苑因茲屢延佇安得愛才  
竟千秋重翼花神上花譜

醉爲馬墜呈所知

憲也十年長爲客路逢騎馬多辟易邇來馳驅  
趙魏間喜與驊騮共朝夕驊騮好武習健兒每  
過文人心不懌昨日醉飲黃叔度

謂吉羽

張燈

早已離華席顧盼門前簇金鞍三匹雄姿白與  
赤一乘孫登

謂雪崖

一吳均

謂星若

驕嘶一匹

高千尺余前跨之不逡巡適逢彼怒雙蹄躑辱  
在塗泥久不收反側何堪重跋躅扶歸紙帳石  
缸青伏枕呻吟巾褰額朋知載酒來相看杖藜  
羸起拖雙鳥語盡回思還一笑人生履坦偏遭

逆君不見杜甫醉挽紫遊韁噴玉迸落瞿塘石  
稽康養生曾著論忽罹殺戮爲物役得失從來  
作此觀一曲一杯天眼白

### 石室

石室何年構天工削不成山光淨欲動雲影迴  
來輕壁挂千尋月溪流數里聲高僧方出定聊  
與話幽情

### 延津泊舟

繫纜空潭下潭深月不流光攝雙塔影氣撼一

溪秘夢破鐘初起。談雄劍欲浮。乾坤千古恨。盡  
載一孤舟。

明妃怨

婉轉辭明主。迢迢嫁異鄉。青娥傷漢月。紅淚染  
胡霜。暫得恩波日。徒成怨別腸。無金酬畫士。是  
妾誤君王。

聽南屏曉鐘

隱隱聲初度。風微浪亦平。敲殘僧夢破。催醒鳥  
魂清。欲起湖頭聽。還從月下行。南屏山不遠。惆

悵碧雲生。

登詩話樓懷嚴滄浪先生

文雅如君少。深懷獨倚樓。溪橫秋水闊。城擁晚  
煙浮。安有琴書在。空將杯酒酬。相師吾豈敢。風  
雨一淹留。

柘浦訪翁未青不遇賦寄

南浦傷心地。離君五六年。貯書還有屋。負郭喜  
無田。未掃落花徑。虛留伐木篇。秋風如有信。爲  
寄白雲邊。

鷄鳴山望臺城

金陵城北路。層塔倚禪門。龕護孤僧骨。臺歸故  
帝魂。清秋芳草碧。白晝亂雲昏。一望蒼涼處。難  
將對佛言。

含虛閣

一閣皆虛氣。秋雲淡欲封。青苔寒有色。紅葉晚  
猶濃。檻俯高低寺。簾牽大小峰。安能乘羽翼。天  
半訪游龍。

冒雪登鍾山

不怯衝寒出全憑驢背堅山河皆異色天地亦  
空懸帘影翻銀漢松聲瀉玉田振衣驚四望何  
處孝陵煙

同房大生李子玉釋谷語智林登清涼臺  
客具詩禪癖同敲山下扉乘高黃葉亂眺遠白  
雲飛湖水連城泖村烟入寺微行行還徙倚漸  
有月生衣

雨

雨○渾○無○賴○空○山○不○洗○愁○偏○防○索○米○枯○難○下○讀○



書樓乍覺園疏濶。如聞嶺樹秋。若當禾黍候。田  
畯喜油油。

荻港

三家成小聚。開戶盡江天。孤戍兵依佛。荒磯客  
繫船。酒香魚入肆。春淺筍登筵。蘆荻深深處。幽  
吟不忍眠。

京口夜泊

北固初停棹。蒼然晚氣凝。無言寒鐵甕。有夢隔  
金陵。謀酒三更市。挑琴一夜燈。回看天界月。遙

掛碧雲嶒

雨宿草坪菴

不斷空山色居然臥草萊  
春光搖法席花雨亂經臺  
香氣侵簾濕鐘聲度水來  
下方元夕景猶有暮笳催

古意

自從久客戍漁陽獨抱孤懷望渺茫  
君畏簡書歸不得妾持砧杵恨增長  
關山月落人何處玉樹鷄鳴夜未央  
欲織迴文將寄遠愁縈心曲不

成章

江郎石

立馬山前問巨靈誰移石壁插天青兩痕削出  
高低影三片爭分大小形忽送白雲看不見乍  
開明月憶曾經乾坤奇幻原難測欲喚江郎夢  
裏醒

過富陽縣

先君司鐸之地余覽揆處

薄暮停橈碧水湄富春風景異當時聖宮茂草  
堦全沒官舍懸弧檻屢移易姓幾忘前甲子象

賢慚守舊弓箕滔滔大地渾如此莫向江干歎  
路岐

宿于忠肅墓下

日落平湖放艇來青松黃壤獨徘徊鬚眉此日  
趨脂粉肝膽何年起草萊明月南屏寒舊魄疎  
鐘西竺動餘哀遽然一夢渾忘却夢裏關河總  
未回

登劣崩峰

策杖凌空欲問天山迴路轉海門前身浮四大

孤峰聳氣接三光一水連縹緲旌旗翻日月高  
低島嶼出雲煙琉球指點虛無裏那得乘風破  
浪船

別峰蘭若

風迴雨歇碧峰西探得祇園路不迷石筍漸高  
青嶂隔山茶初長綠煙齊頻敲石磬松花落共  
坐蒲團竹影低睡後月生清籟寂白雲隱隱唱  
天雞

題林浦江閣兼別林黃之騰之

凌虛高閣俯寒流  
面面晴峰淡似秋  
隔岸煙村依石鼓  
一汀漁火泛蘭舟  
雲霞屢度晨昏色  
禾黍頻生今古愁  
信宿談心明月下  
何年重訪碧江頭

白燕

社後歸來粉翅敲  
烏衣陣裏玉梭拋  
斜飛碧沼蓮飄葉  
孤寢雕梁雪滿巢  
一片微雲窺竹塢  
半彎初月挂松梢  
長江碧水清如許  
不見差池羽影交

天遊閣

武夷最勝屬天遊  
俯看層巒面面秋  
九曲溪聲爭繞榻  
六峰樹色總歸樓  
半函詩卷收難盡  
兩隻芒鞋去尚留  
更有撩人幽夢處  
幔亭雲影罩仙舟

送玉輪之劍津

孤筇遙送暮江頭  
爲振宗風出古丘  
洗鉢遠尋雙劍水  
攤經閒上九峰樓  
袈裟欲取丹楓染  
詩卷還將碧荔收  
待我玉華遊屐倦  
一航相伴菊

花秋

遊玉華洞

秋郊十里探仙源古洞玲瓏白日昏  
藥竈詩筒成往事丹崖碧石可長存  
猶畱天地鴻濛色誰見神工斧鑿痕  
欲摘靈芝供斗酒薜蘿深處不堪捫

劍津遇周天池

邂逅相將勝夙期談來身世事多奇  
難逢國士題青眼識得英雄是白眉  
明月空潭雙劍氣梅



花塙雪九峰詩聞君挾策金門下可有彈冠似  
昔時

感懷

何事秋風起四鄰葛衣換酒率天真黃花有色  
驕陶令白雁無情悞漢臣萬里棄繻疑是夢廿  
年出劍總生塵放聲欲哭山山暝聊向江頭再  
問津

郡司馬李梅邨攜觴至寓

衛源十笏祗幽棲尊酒逢君肯爲攜簇簇銀鞍

過竹徑翩翩玉軸擁花谿大洪雪白畱新賦小  
峴山青有舊題安得平原時潦倒柳陰深處聽  
黃鸝

人日社集畱別雲間諸知己時將返白下

檢點書籍隨北上謁栢鄉魏師相廬江

龔宗伯

堂掄風雅喜從新七日晴光媚遠人花勝暫分  
黃浦酒竹書將拂白門塵懷深爕理今元老交  
托寅清古大臣莫遣鶯花寒驛路漸隨遊騎度

天津

秋感

日向孤龕撫素琴不堪秋色又相侵  
荆榛蒲眼無通徑烟水縈懷失舊林  
兄弟夢魂依白骨友朋顏色問黃金  
看來總爲浮名悞行對吳江祗自吟

天雄訪陳蘭涯大令喜晤林子將社長  
河朔驅車洹水連名花新種帝城偏  
陳遵別計三千里林藻懷驚十六年  
如此相逢誰白髮

不堪重憶是青氍何時載酒東湖上桑土綢繆  
一醉眠

孔心一觀察月夜招飲

一天涼月伴幽尋古寺迴廊緩步深靜署有情  
傳下榻輕輪無恙載孤琴尊中酒喜三更足案  
上詩留千古心此夜占星誰太史白榆歷歷指  
西林

孔心一書來喜真州梁敷五濬邑周伯衡

寄詩集至

炎炎初日下平疇風雅關心屢置郵有客相思  
傳白雪幾人作賦醉青州中山久峙千年望淇  
水今看萬派流夜半鎖窓吟不歇夢魂飛越過  
南樓

重遊玉虛洞

攜手還尋古洞遊東西莫辨以聲求晨烟夕照  
皆空色月落星高自去畱始信地天原有缺縱  
分晴雨亦難周歸途又作仙源想夢裏依稀到  
十洲

雨中王允侯過我夜話

暮雨秋風正掩門，忽聞君至展聲喧。  
詩分奇正狂生壘，劍說雌雄待報恩。  
僧舍三更誰送酒，客樓千古是消魂。  
還期霽色城西路，碧棹青山可共論。

同陳昌元鄭惟盡登福廬宿葉文忠石隱  
山房

洞壑玲瓏作晚聲，芝英亭下夢魂清。  
虹歸碧澗千尋色，月挂青崖萬里明。  
臺榭荒涼聞虎嘯，衣

冠造次趨陽盟兼葭白露荒祠晚誰計安危感慨生

重登大覺寺懷陳止菴

重來此地訪煙霞栲栳陰濃石磴斜  
鷄犬雲中皆舊識牧樵巖下半通家  
門封蛛網猶懸榻壁拂蝌文半罩紗  
惆悵昔遊零落者十年兵甲老天涯

讀書一拂祠喜林伯奮自楚至蔡方山自粵至竝坐雨中小飲

荒祠深柳傍寒峰我友天涯策短筇乘鶴樓高  
誰客在騎羊城古幾仙逢畏談湖海從前事笑  
慰支離別後踪小雨帘飄裏可典白門孤艇各  
從容

登雨花臺

閒閒獨步上高臺雪色平林暖始開花雨久隨  
青草沒江濤晴湧白雲來繁華六代看朝槿感  
慨千秋問野梅何事長陵松柏裏頻年風雨起  
餘哀



含元閣卽景

危閣峻嶒上碧霄窗虛八面盡堪描千村屋繞  
高低檻一水城通大小橋丹竈西山疑暮雨泮  
宮南國正秋宵天涯載酒尋狂客勝作平原十  
日招

九日侯晉水明府招登烟雨亭

重陽雨色喜全收勝友攜樽作勝遊城下並舟  
齊到寺樹間乘屐忽登樓僧容開禁雲先醉客  
欲徵歌月正浮却笑昔人循故事偶然落帽擅

風流

敬亭晴雨次張逸山韻

山中氣候幾人知。秋杪寒暄不定時。驟雨驚濤  
峰欲失。殘陽落影塔增欹。情文極變留詩史。濃  
淡難分乞畫師。盡撒珠簾看不厭。巫山何處更  
相思。

虞美人草

垓下歌殘翠黛休。美人名逐草名留。隨風還作  
軍中舞。泣露猶含帳裏愁。楚水蕭條迷古廟。霸

國寂寞鎖荒丘戚姬亦有千年恨不見遺芳古  
壁頭

舟過吳淞懷陳大樽先生

少慕三吳十二家先生挺出壯中華雄文倒海  
今司馬大節擎天古女嫺立馬西湖留藻荇  
蒼龍先生掛帆青浦拜蒹葭采風不見新祠宇  
落日孤烟問水涯

雲間弔夏瑗公偕其子存古殉節

濱海頻年訪古遺長歌河上憶吾師

公靖節獨于河

將七尺爭天地孰鑄雙忠上鼎彝學海波瀾文

有禁

公有文禁之刻

詞林悽惻哭留詩

公同朝暨諸門士俱有輓章

吳航直接吳淞水萬里棠陰百代思

公曾爲長樂

雲間喜遇陳昌箕

山中宰相泖湖窟握手驚看豈爲貧七十春秋  
高著作三千水陸訪鄉鄰詎知黃耆皆新壤無  
復青山識舊人獨我旅帷風雨際還從樽酒與  
嶙峋

訪吳梅邨先生賦贈

才名久已重山丘霞嶺難乘載雪舟道企五千  
高日月詩存三百見春秋人爭瓦缶喧天奏誰  
挽江河入地流遙向龍門邀一盼酬知原不在  
吳鉤

烟雨方舟載酒行典型萬里望崢嶸青山未老  
中原夢白首長存太古情一場梅花常愛客兩  
堤柳色欲流鶯後先知已溫陵在惟借吹噓遍  
上京

先生房師周芮  
公吾閩泉人

謝傅石滴爲卜草堂

下馬雙僮道不孤  
恰逢知己守三吳  
鉶茅爲卜  
東西灑種柳時過  
裏外湖不惜養廉謀  
土木可堪同調勝  
葭莩連朝秋雨山樓上  
頻想高風對酒呼

送卓尚如歸闕次傳石濟韻

忽道君歸念百端  
故園風雨倍艱難  
荔枝無分  
長相憶  
尊菜多情半未殘  
明月一天生  
遠夢迅帆千里送  
新寒論交莫道今朝晚  
傾蓋離懷更不安

送別陳得水兼訊鐵山先生

白門三載共風塵，亂後重逢意氣真。  
明月花菴頻訪桂，清風畫舫更思尊。  
送歸愁惜長江晚，話別魂消故國春。  
爲問猖狂君太阮，海天青眼屬何人。

室若至

地僻無徒清晝眠，忽驚剝啄有名禪。  
帶來溪響生琴潤，招遍雲峰入座妍。  
方外縱談忘伏暑，山中結屋待秋烟。  
何當贈我新詩去，盡作炎方白

雪傳

懷陳綠厓先生却寄

蕭瑟芙蓉手自搴  
白門黃浦隔遙天  
文章過眼看桃李  
家國關心問杜鵑  
愛酒乞鄰牆上過  
尋仙覓路雨中還  
懷君不佩忘憂草  
秋水高樓三百篇

偕同鄉諸先生公祭一拂鄭介夫暨全閩

清忠祠

秋色石城下  
相將謁古祠  
碧梧深繫馬  
疎柳淡



褰帷四壁文章重千秋記載垂奏圖光朱史歸  
拂壯閩碑俎豆隆先典蘋蘩守舊規英才咸濟  
濟後進各師師共肅衣冠拜彌興朝野思蒼生  
原有待赤膽更誰期再晉東偏室還修北面儀  
清忠長不朽貪懦亦何爲小子塗泥質諸公鼎  
鼐資願言須努力獻此百年卮

登清涼臺

偶縱石城步言登百尺臺松杉前代蔚鐘磬隔  
林開層塔形如舞長江勢欲洄三山碧浪湧萬

井綠雲堆人說梁唐舊余驚歲序催興亡無盡  
感天地有窮哀夕照峰峰迴煙光樹樹回蒼茫  
秋色晚俯仰獨徘徊

鄉約禮廢久矣旌陽李廣菴明府特舉講  
行猶古之道也敬贈十六韻

禮失謀諸野今猶三代時楚江仁君子滇水大  
刑司補秩臨旌邑弘慈首宛淵聿行隆古事恪  
守聖賢規講始六條設文先萬里知晨昏無怠  
色朔望有常期濟濟東西序蚩蚩大小兒譽髦

皆廸簡壽耆倍含願苜蓿先生共熊羆禪將隨

肅雍十笏地

開講護國寺

翹楚九重儀在昔栢鄉相

經題薇省碑於今十五載始覩百年師我縱  
仙源展躬陪令尹卮清風雖屢見盛教此方披  
極日兵戈後傷心禾黍離安能不俛仰拊手致  
芹詞

賦得欽性就幽蓬贈吳不官次同人韻

白下交君日詩中羨有禪去來忘歲序咕嗶養  
天年曾擅鉏金手寧無種玉田先平方寸地類

拂百重泉閣世難存史觀風惜斷篇葺籬匡日  
月開戶走雲烟事事看如此時時守固然儀型  
遵後輩理學測先賢五嶽真堪佩三竿自可眠  
願堅石室閉莫駕泛湖舡

登望京樓

在衛城之北明時潞王建西可望其墳

初涼天色遠信步陟高樓百級蒼階古千重碧  
檻幽雲生衣袂幻風送土沙浮睥睨圍三里嶽  
嶽抹一秋太行長捲幔衛水曲通舟烟樹迷橫  
浦晴橋過小洲人家耘麥隴邑井結松楸誰憶

京華信徒懸宮闕  
眸廢興原似輦  
天地小如鷗  
錫爵何年事  
分桐幾代畱  
勞勞戈戟罷  
淡淡水天流  
西塋墳爲寺  
東傷屋作丘  
樵柯龍欲臥  
獵網鹿難遊  
灑酒風無力  
焚香霧正收  
夕陽鐘外影  
新月雨餘鉤  
惆悵王孫草  
青青旦暮愁

欲雪

山意偏宜雪  
荒齋莫畏寒  
沽來一斗酒  
隨處向梅看

客中重九

登高不飲酒獨坐大江濱未識故園菊今朝醉  
幾人

尋蘭

紉蘭同屈子采采入山阿細問蘭生意秋風起  
薜蘿

山厨

山厨恐無烟收拾且炊字忽聽剝啄聲前村疑  
餉使

白石長爲枕狂來欲煮之煮成笑問婦石亦有

光時

嘯臺

清談天下誤長嘯山中老千載有心人惆悵蘇  
門道

畱別鄭子長

買棹隨流直向西綠楊深處曉鶯啼東風若肯  
憐歸客吹落桃花出武溪

黃素公解纜延平

中天日出曉煙平兩岸桃花一棹輕贈汝延津

雙玉劍時時風雨作龍聲

寄友

汝向山中幾日行余從江上聽秋聲十年未背  
輕離手極目蒼煙一鴈鳴

遊仙詩戲示劉生

洞門深閉種桑麻不許春風說漢家却笑當年  
劉子驥空從鷄犬覓桃花

山行值雨

一騎千峰頂上行白雲和雨作溪聲蒼苔不辨



山路何處村翁帶笑迎

中秋同星若

三載中秋憶共君  
樵川煙雨石城雲  
可知明月當空少  
莫遣寒杯此夜分